

悴漸為虛邑請割屬旁近隣邑云啓下吏曹吏曹回啓曰長連縣本以
十室小邑土瘠民貧加以凶歉流亡太半蘇復之策在所當急從民情
願欲併殷栗縣則均是殘邑欲割安岳郡則郡之一面偏受新苦且訟
革重事不可輕議而見其貢進物數則果與安岳大同小異雜物當量
數移定而道內犯罪應徙人一切入送則庶無合併割屬之弊而民力
稍紓宜今其道觀察使兩邑雜物數目備細考啓事報于政府啓下戶
曹戶曹啓曰若以長連安岳兩邑分定則安岳亦受其弊宜令其道觀
察使傍近各邑貢物備細參考推移他邑俾無童叟之患何如啓依兄
○戊子禮曹啓曰文武科遊街今方酒禁何以為之傳曰生員進士則
數多故勿令遊街文武科則其數少使之遊街○傳曰今年欲於關內
養蚕令東西蚕室蚕種入內闕內桑木西蚕室每年摘取今年勿令摘
取○己丑傳曰弓弩傳習金命山多捉惡虎其論賞○夜南方有氣如
火